



**GARIS PANDUAN PROGRAM KHAS PENGAKUAN SUKARELA
CUKAI JUALAN NEGERI (CJN) BIL 1
KEMENTERIAN KEWANGAN NEGERI SABAH**

1. LATAR BELAKANG

- 1.1. Garis panduan ini menetapkan prosedur pelaksanaan Program Khas Pengakuan Sukarela yang menyasarkan pembayar Cukai Jualan Negeri (CJN) bagi dua produk iaitu (i) komoditi perikanan dibawa keluar dari Sabah dan (ii) besi buruk dan buangan yang dibawa keluar dari Sabah.
- 1.2. CJN ke atas komoditi perikanan dibawa keluar dari Sabah mula berkuat kuasa pada 1 Mei 2021, manakala CJN ke atas besi buruk dan buangan yang dibawa keluar dari Sabah pula mula berkuat kuasa pada 1 Februari 2022.
- 1.3. Program Khas Pengakuan Sukarela CJN ini ditawarkan sebagai satu inisiatif Kerajaan Negeri untuk menggalakkan pembayar CJN bagi kedua-dua produk CJN ini agar tampil secara sukarela untuk mendaftar lesen dan membayar CJN yang tidak diisyiharkan kepada Kementerian Kewangan Negeri Sabah.
- 1.4. Selain itu, Program Khas Pengakuan Sukarela CJN ini juga bertujuan menyeru para pembayar CJN agar menjalankan tanggungjawab mereka kepada negeri Sabah dengan membayar CJN yang wajib selaras dengan Enakmen Cukai Jualan Negeri 1998

2. OBJEKTIF PENYEDIAAN GARIS PANDUAN

- 2.1. Memberi penjelasan berhubung dengan kaedah pelaksanaan Program Khas Pengakuan Sukarela CJN;
- 2.2. Memberi penjelasan kepada pembayar CJN yang disasarkan berkenaan tempoh Program Khas Pengakuan Sukarela CJN serta tawaran pengecualian penuh penalti; dan
- 2.3. Menggariskan peraturan pembayaran yang berkaitan dengan Program Khas Pengakuan Sukarela CJN.

3. PERUNDANGAN

Peruntukan undang-undang yang dirujuk bagi Program Khas Pengakuan Sukarela CJN ini adalah Seksyen 18 dan 24, Enakmen Cukai Jualan Negeri 1998.

4. TEMPOH PELAKSANAAN

Tempoh pelaksanaan Program Khas Pengakuan Sukarela CJN adalah **bermula 15 Ogos 2023 sehingga 31 Disember 2023**.

5. PELAKSANAAN

- 5.1 Program Khas Pengakuan Sukarela CJN ini dibuka kepada pembayar CJN untuk produk komoditi berikut:
 - 5.1.1 CJN ke atas komoditi perikanan dibawa keluar dari Sabah; dan
 - 5.1.2 CJN ke atas besi buruk dan buangan dibawa keluar dari Sabah
- 5.2. Program Khas Pengakuan Sukarela CJN ini menyasarkan pengisytiharan dan pembayaran CJN bagi tempoh bercukai yang telah berlalu (terdahulu).

Tempoh bercukai yang terlibat untuk program ini adalah mengikut tarikh kuat kuasa produk tersebut iaitu:

Bil.	Produk	Tempoh Bercukai Terlibat
1	Komoditi perikanan dibawa keluar dari Sabah	1 Mei 2021 – 14 Ogos 2023
2	Besi buruk dan buangan dibawa keluar dari Sabah	1 Februari 2022 – 14 Ogos 2023

- 5.3. Kadar CJN yang terpakai dalam Program Khas Pengakuan Sukarela CJN ini adalah mengikut kadar cukai yang berkuat kuasa dalam tempoh transaksi penjualan tersebut berlaku.
- 5.4. Program Khas Pengakuan Sukarela CJN menyasarkan kategori-kategori berikut:
- 5.4.1 **Kategori 1 – Syarikat yang tidak pernah mendaftar lesen CJN tetapi menjalankan perniagaan menjual atau membekalkan barang yang dikenakan CJN dalam Perkara 5.1**
- a. Pihak syarikat terlebih dahulu dikehendaki mendaftar dengan Kementerian Kewangan Negeri Sabah bagi mendapatkan lesen CJN. Pendaftaran lesen CJN boleh dibuat melalui Sistem Cukai Jualan Negeri (e-CJN) (<https://cukaijualannegeri.sabah.gov.my/>).
 - b. Setelah permohonan diproses dan lesen CJN diluluskan, pihak syarikat perlu mengisyiharkan penjualan produk yang dikenakan cukai dengan mengemukakan Penyata Cukai Jualan Negeri (Borang 4) secara dalam talian melalui sistem e-CJN dalam tempoh Program Khas ini.
 - c. Pengemukaan Borang 4 oleh pihak syarikat adalah untuk tempoh bercukai yang terlibat seperti di Perkara 5.2

5.4.2 Kategori 2 – Syarikat yang telah berdaftar lesen CJN tetapi belum membuat pengisytiharan CJN bagi transaksi penjualan tertentu

- a. Borang 4 perlu dikemukakan dalam tempoh Program Khas dengan melaporkan semua jualan produk dikenakan CJN yang belum pernah diisythihar secara dalam talian melalui Sistem e-CJN (<https://cukaijualannegeri.sabah.gov.my/>).
- b. Pengemukaan Borang 4 oleh pihak syarikat adalah untuk tempoh bercukai yang terlibat seperti di Perkara 5.2.

5.4.3 Kategori 3 – Syarikat yang telah berdaftar lesen CJN tetapi tidak mengisytiharkan CJN dengan betul bagi mana-mana tahun taksiran

- a. Pihak syarikat perlu mengemukakan pengakuan secara bertulis iaitu melalui surat dalam tempoh Program Khas Pengakuan Sukarela CJN ini berkaitan penjualan produk dikenakan CJN yang belum diisytharkan.
- b. Surat ini hendaklah menyatakan bahawa pembayar CJN membuat **PENGAKUAN PENUH** ke atas penjualan produk dikenakan CJN yang belum atau tidak diisytharkan sebelum ini.
- c. Surat ini hendaklah dihantar kepada Bahagian Cukai Jualan Negeri, Kementerian Kewangan Negeri Sabah sama ada melalui kiriman pos, serahan tangan di kaunter atau melalui e-mel.
- d. Setelah permohonan diterima, komunikasi selanjutnya dan pemakluman pembayaran CJN akan dilakukan melalui surat dan e-mel.

- 5.5 Program Khas Pengakuan Sukarela CJN ini terpakai kepada:
- 5.5.1 Pengakuan sukarela yang menyebabkan ada taksiran atau taksiran tambahan dibangkitkan.
- 5.5.2 Kes-kes yang sedang diaudit/disiasat. Namun, pengakuan sukarela yang dikemukakan adalah tertakluk kepada apa-apa penemuan audit/siasatan tersebut.
- 5.6 Program Khas Pengakuan Sukarela CJN ini tidak terpakai kepada pengakuan sukarela yang melibatkan kes:
- 5.6.1 Tidak kena cukai, taksiran kurangan atau cukai kena dibayar balik (*remittance*); atau
- 5.6.2 Pihak syarikat yang telah mengemukakan permohonan berkaitan CJN bagi tempoh bercukai seperti di Perkara 5.2 sebelum ini dan telah mendapat keputusan berkaitan permohonan tersebut daripada Kementerian Kewangan Negeri Sabah.
- 5.6.3 Siasatan jenayah telah dimulakan atau prosiding pendakwaan susulan daripada siasatan jenayah telah difaiklan di mahkamah berdasarkan peruntukan-peruntukan di bawah Enakmen Cukai Jualan Negeri 1998.
- 5.7 Pihak syarikat hendaklah memastikan pengakuan sukarela yang dibuat telah **mengambil kira kesemua penjualan yang boleh dikenakan CJN** bagi tempoh bercukai seperti di Perkara 5.2. Pihak syarikat turut perlu memastikan pengakuan sukarela yang dibuat adalah **tepat dan teratur** selaras dengan Enakmen Cukai Jualan Negeri 1998 dan Peraturan-Peraturan Cukai Jualan Negeri 1999.

- 5.8 Segala maklumat pengakuan sukarela yang dikemukakan oleh pembayar CJN dalam tempoh Program Khas Pengakuan Sukarela CJN ini akan diterima secara suci hati oleh Kementerian Kewangan Negeri Sabah. Walau bagaimanapun, pihak Kementerian akan menyemak pengiraan cukai yang diisyiharkan bagi memastikan ketepatan pengakuan sukarela yang dikemukakan oleh para pembayar CJN.
- 5.9 Tindakan audit/siasatan tidak akan dilakukan pada masa akan datang bagi tahun taksiran di mana pengakuan sukarela dibuat. Walau bagaimanapun, tindakan audit/siasatan/susulan boleh diambil sekiranya pihak syarikat gagal membuat bayaran penuh kesemua CJN yang telah diisyihar dalam tempoh Program Khas Pengakuan Sukarela CJN ini dijalankan untuk mendapatkan semula keseluruhan CJN yang wajib dibayar.

6. KADAR PENALTI DALAM TEMPOH PROGRAM KHAS PENGAKUAN SUKARELA CJN

- 6.1 Tiada penalti yang akan dikenakan terhadap mana-mana kategori pembayar cukai yang tampil secara sukarela mengisyihar dan membayar CJN dalam tempoh Program Khas Pengakuan Sukarela CJN ini.
- 6.2 Namun demikian, sekiranya jumlah CJN yang diisyiharkan secara sukarela melalui Program Khas Pengakuan Sukarela CJN ini masih tidak dibayar secara sepenuhnya sehingga program ini berakhir, baki CJN yang belum dibayar akan tertakluk kepada pengenaan penalti selaras dengan Enakmen Cukai Jualan Negeri 1998.

7. PERATURAN PEMBAYARAN

- 7.1 Peraturan bayaran bagi pengakuan sukarela dalam tempoh Program Khas Pengakuan Sukarela CJN adalah seperti berikut:

Tempoh Program Khas Pengakuan Sukarela CJN	Tarikh Akhir Pembayaran Dibuat
15 Ogos 2023 – 31 Disember 2023	31 Disember 2023

7.2 Pihak syarikat dibenarkan membuat bayaran CJN bagi pengisytiharan CJN yang dilakukan melalui Program Khas Pengakuan Sukarela CJN ini sama ada:

7.2.1 Secara sekali gus (*lump-sum*) dalam tempoh 30 hari dari tarikh Penyata Cukai Jualan (Borang 4) dikemukakan; atau

7.2.2 Secara ansuran dalam tempoh Program Khas ini dilaksanakan:

- a) Untuk pembayaran secara ansuran, pihak syarikat perlu mengemukakan permohonan secara bertulis melalui surat di mana butiran surat adalah seperti berikut:
 - i) Tempoh bayaran ansuran yang dipohon (Had tempoh) untuk pembayaran ansuran hanya sehingga Disember 2023 sahaja; dan
 - ii) Justifikasi permohonan bayaran secara ansuran
- b) Surat berkenaan perlu dihantar kepada Bahagian Cukai Jualan Negeri, Kementerian Kewangan Negeri Sabah sama ada melalui kiriman pos, melalui serahan tangan di kaunter atau melalui e-mel.
- c) Sebarang permohonan melalui Program Khas Pengakuan Sukarela CJN ini akan diproses dalam tempoh 14 hari bekerja dari tarikh penerimaan permohonan yang lengkap dan memenuhi syarat kelayakan Program Khas ini.
- d) Setelah mendapat kelulusan daripada Kementerian Kewangan Negeri Sabah, pihak syarikat hendaklah mematuhi Jadual Bayaran yang telah dipersetujui. Tindakan akan diambil sekiranya syarikat gagal mematuhi jadual bayaran ansuran yang ditetapkan.

- 7.3 Pembayaran ansuran tidak terpakai untuk CJN bagi tempoh bercukai semasa (15 Ogos 2023 – 31 Disember 2023) di mana pihak syarikat perlu membayar CJN semasa sebelum barang yang dikenakan CJN dibawa keluar dari Sabah.
- 7.4 Sekiranya jumlah CJN yang diisyiharkan secara sukarela melalui Program Khas Pengakuan Sukarela CJN ini masih tidak dibayar secara sepenuhnya sehingga program ini berakhir, baki CJN yang belum dibayar akan tertakluk kepada pengenaan penalti selaras dengan Enakmen Cukai Jualan Negeri 1998.

8. TINDAKAN PERUNDANGAN

- 8.1. Tiada penalti akan dikenakan bagi semua kategori pengakuan sukarela sekiranya pembayaran CJN selesai dikemukakan mengikut tempoh yang ditetapkan dalam Program Khas ini.
- 8.2. Kadar penalti selepas tempoh Program Khas Pengakuan Sukarela CJN akan dikenakan selaras dengan Seksyen 18, Enakmen Cukai Jualan Negeri 1998.

9. CARTA ALIR

Carta alir bagi pelaksanaan Program Khas Pengakuan Sukarela Cukai Jualan Negeri adalah seperti di **Lampiran A**.

10. PERTANYAAN

Sekiranya terdapat sebarang pertanyaan atau memerlukan keterangan lanjut berkaitan garis panduan ini, sila berhubung dan merujuk dengan pegawai/kakitangan di Bahagian Cukai Jualan Negeri seperti berikut:

Unit Pungutan
Bahagian Cukai Jualan Negeri
Kementerian Kewangan Negeri Sabah
Aras 5, Blok A, Menara Kinabalu
88400 KOTA KINABALU
Tel: 088-368067 (Talian Am)

Evina Brenda Majimbun	 088 368 068	✉ EvinaBrenda.Majimbun@sabah.gov.my
Harmidi Zaffuan bin Hashim	 088 368 067	✉ HarmidiZaffuan.Hashim@sabah.gov.my
DK Normahani Pg. Mohd	 088 368 038	✉ DKNormahani.PgMohd@sabah.gov.my
Nur Alib bin Hariyono	 088 368 914	✉ NurAlib.Hariyono@sabah.gov.my
Claudia Ann Sylvester	 088 368 067	✉ Claudia.Salbishte@sabah.gov.my

BAHAGIAN CUKAI JUALAN NEGERI
KEMENTERIAN KEWANGAN NEGERI SABAH
14 OGOS 2023

LAMPIRAN A

**CARTA ALIR PELAKSANAAN
PROGRAM KHAS PENGAKUAN SUKARELA CUKAI JUALAN NEGERI**

